

P. 669, L. -1【**病行、嬰兒行**】《大般涅槃經》卷十一〈聖行品〉，「五行」：聖行、梵行、天行、嬰兒行、病行。聖行：修習戒定慧三。梵行：以清淨心運慈悲，起利他行。天行：順第一義天而成妙行。嬰兒行：菩薩以慈悲之心，示現人天小乘之行。病行：為度眾生，以大慈悲心與一切眾生同受煩惱與病苦。就「別教」言，聖行是地前之自行，梵行是地前之化他，天行是地前之內證，嬰兒行是地上應善之外用，病行是地上應惡之外用。就圓教言，如是五行，非隔歷之行，互相融攝，一心圓具無缺，修性不二，即一而五，即五如一，不即不離，不思議行，故又稱圓五行、一五行、一心五行、不次第行、如來行。

P. 669, L. -1【**大神通力等**】《法華經大窾》卷 6：「得大神力者。如六根清淨。徧十方界是也。樂說辯才者。即廣演分別妙法華經是也。大善寂力者。即罵詈毀辱。皆悉不動是也。」(X31,p.04c2-5)《妙法蓮華經文句》卷 10：「信者論三報，現得六根清淨，生值燈明佛，後值二千億佛。神通力是身業淨，樂說辯力是口業淨，善寂力是意業淨(云云)。」(T34,p.141b2-5)

大神通力	身業淨	六根清淨徧十方界	如來室(大慈悲心徧至十方)
樂說辯力	口業淨	廣演分別法華經	如來座(以一切法空智演說)
大善寂力	意業淨	罵詈毀辱皆悉不動	如來衣(意根清淨如如不動)

P. 670, L. 2【**陶朱公**】春秋時越國大夫范蠡的別稱。蠡既佐越王勾踐滅吳，以越王不可共安樂，棄官遠去，居於「陶」(今山東定陶西北)，易姓朱，稱朱公。以經商致巨富。

P. 670, L. 6【**梵網經**】《梵網經》卷 2：「吾今來此世界八千返，為此娑婆世界坐金剛花光王座，乃至摩醯首羅天王宮，為是中一切大眾略開心地法門品竟。復從天王宮下至閻浮提菩提樹下，為此地上一切眾生凡夫癡闇之人，說我本盧舍那佛心地中初發心中常所誦一戒光明。」(T24,p.1003c16-22)《教觀綱宗》：「梵網經云。吾今來此世界八千返。坐金剛華光王座等。豈非亦是開迹顯本耶。」(T46,p.937c13-15)

P. 670, L. 8【**三報**】就時間而言，則有三時業之三時報：(一)順現報，即今生造業，今生報應之果報。又作現報。(二)順生報，即今生造業，來生報應之果

報。(三)順後報，即今生造業，再來生報應之果報。《金剛經纂要刊定記》卷2：「汎論業有三種，謂：善、惡、不動。受有三時，謂：現、生、後。若今世造善惡，今世受苦樂者，名順現報業。若今世造善惡，次生方受，名順生報業。若今世造善惡，從第三生已去乃至百千生方受，名順後報業。今世有人造善惡業，目下無報，便疑無因果者，良由不達此三時報也。」(T33,p.180c10-16)

P. 670, L. -3【疾得阿耨多羅三藐三菩提】《法華經授手》卷8：「此舉往行以勸當修也。其文一返一正。先用返言以勸信順。謂我于往昔。若不持說此經。則佛果胡能克證。次則正言。由我于先佛世持說故。令我疾得無上菩提也。前云命終後值四萬億佛。末後又值若干諸佛。則所歷之時。可謂久矣。而今自謂猶為疾得。可見菩提事不易成也。」(X32,p.784b22-c3)《法華經大成》卷8：「若我下。明得果由於此經。以此經乃佛果之直徑。未有不由此經而證果者。未有由此經而不證果也。然此果報一科。文雖淡。其意最深。序中文殊答彌勒。遡其原委。文殊乃釋迦九代師翁。今不輕既是釋迦。歷二萬億威音、二千億燈明、二千億雲自在燈王。復值千萬億佛。則釋迦又不知是文殊幾許代之師翁矣。又大通時結緣。今據此文。則結緣在威音時矣。又授記諸子文中。皆云過無數劫。恐佛道長遠之計不除。故引不輕菩薩。經無數佛無數劫。方得成佛也。」(X32,p.513 b12-21)《法華經要解》卷6：「引威音王、日月燈、雲自在。意明：不輕積德致道。宣布法華源流之遠也。要使說是經。則如威音王得大無畏。明是道。則如日月燈相繼無窮。布是利。則如雲自在潤覆無極。凡精持廣利。期造乎此。」(X30,p.345a23-b2)《法華經意語》：「當知威音王。即自心離念清淨義。日月燈明。即自心三智圓明義。雲自在燈王。即自心悲智雙運義。漸漸消歸自己。故曰。常不輕者即我身是。據此則知。予言頓悟自心之象。非為妄誕。能信自心是佛。雖未即成。不久當得。故曰。我因受持讀誦此經疾得菩提。彼四眾等。堅執言教。不信自心。然於自心無減。是故雖多劫不值三寶。墮於地獄。猶得值遇不輕而成菩提。豈非還悟自心而得成就耶。雖以惡口罵詈杖石打擲。亦因毀罵而種其因。如人嫌旃檀樹。惡心斫伐。因伐樹故。香氣隨身。故知自己真心無始無終。在聖不增。處凡不減。猶若虛空。求之不可。逃之不可。佛知此故。引例發明。若悟自心。則知：佛元不對佛說。」(X31,p.667b7-18)

P. 671, L. 1【毀者果報】《妙法蓮華經文句》卷 10：「毀者得善惡兩果，謗故墮惡，聞佛性名毒鼓之力，獲善果報。」(T34,p.141b8-9)《法華文句記》卷 10：「『毀者』等者，即生隨從，尚猶墮苦，是則擊信毀之二鼓，為生後之兩因。」(T34,p.349b27-28)《法華經科註》卷 6：「此明毀者得善惡兩果報。由謗罵故。千劫受苦。是惡果報。由聞佛性名。下大乘種。復遇不輕教化菩提。是善果報。妙樂云。由謗罵之辜。墮於惡道。聞順從之力。還遇不輕。乃至今日。還令會入。以是義故。上慢尚成遠因。聞信寧無現益。」(X31,p.308b11-15)

P. 671, L. -4【菩薩何故為作苦因】太虛《第七編 法界圓覺學》卷 2：「常不輕菩薩值正法已滅之時，既知四眾不能明於佛義，曷為作此驚人之行，故啟其怒詈、使造罪業而罹諸苦乎？不知隨機示教之方便善巧，乃諸佛果後大悲方便之祕密力，非未入地之菩薩所能行。常不輕菩薩，但以其所自信之法義如說修行，冀以自信者並使人信，為尊佛法、為宏佛法、為昌明佛法、為建立佛法，以是種種故，惟重法而不重己，但顧法而不顧機，雖當時眾生有不能現時受益之處，亦有所不暇恤也。況在被化之眾生中，往往有具極劣根性，非先以大法激起其煩惱、令受諸毒苦之後，不能有順受化度之希望。如此增上慢比丘等，即以獲受罪苦之故，得降伏其我慢，終於報盡以後，遂能善根生發，聞法修行。此正逆行將護之法，適以速其度脫，否則雖再歷二百億劫，恐尚在沈淪飄墮中耳。」(TX11,pp.550a7-551a4)

P. 672, L. 3【師子月等五百比丘。尼思佛等五百優婆塞】竺法護《正法華經》卷 9：「師子月等五百比丘、比丘尼，今在佛前五百清信士、五百清信女等」(T09,p.123b22-24)闍那崛多共笈多《添品妙法蓮華經》卷 6：「師子月等五百比丘，尼思佛等五百優婆塞」(T09,p.185b12-13)《法華經大成》卷 8：「有將尼字連上句者。據正法華云。師子月等五百比丘比丘尼。則師子月自是比丘。不應稱尼。有將尼字連下句者。考因緣經云。思佛千優婆塞等。則又不應連下。姑存俟考。私謂連下意順。於出家舉比丘。等比丘尼。於在家舉優婆塞。等優婆夷也。」(X32,p.513c8-13)《法華經科註》卷 6：「今考因緣經云：思佛千優婆塞等得無生忍，鬱多羅母善賢比丘尼等五百比丘尼，不受諸漏，成阿羅漢。且因緣經亦是什譯，豈敢定謂缺略尼字。又尼思佛之名未見他經所出，故今且以尼

字另逗為句，但四眾缺優婆夷耳。後若見尼思佛名有所出者，則不必另逗為句也。」(X31,p.308c3-8)鳩摩羅什譯《佛說千佛因緣經》：「說是語時，百千梵王發菩提心，思佛千優婆塞等得無生法忍，鬱多羅母善賢比丘尼等五百比丘尼，不受諸漏心，得解脫成阿羅漢。」(T14,p.70b14-17)

P. 672, L. -1【號威音王】《法華經授手》卷 8：「此頌該盡二萬億佛。知音云：神智無量。法身也。威也。將導一切。般若也。音也。天人下。解脫也。王也。即名以頌其實。」(X32,p.785a12-14)

P. 673, L. 5【定謂有、無】《妙法蓮華經玄義》卷 1：「第一義悉檀者，有二種：一、不可說；二、可說。不可說者，即是諸佛、辟支佛、羅漢所得真實法。引偈云：「言論盡竟，心行亦訖，不生不滅，法如涅槃。」說諸行處，名世界；說不行處，名第一義。二、約可說者，一切實、一切不實、一切亦實亦不實、一切非實非不實，皆名諸法之實相。佛於如是等處處經中說第一義悉檀相，此亦是一家明四門入實之意。故《中論》云：「為向道人說四句，如快馬見鞭影，即入正路。」若聞四句，心生取著，皆是戲論，豈第一義耶？」(T33,p.687a12-22)如論：「起大乘正信」者，智旭《大乘起信論裂網疏》卷 1：「問：一切諸法。無生無起。云何乃言起耶？答：法性無起。亦無不起。若但言起，即失真如門義。若但言不起，即失生滅門義。若言亦起亦不起，即互相違。若言非起非不起，即成戲論。當知四句皆不可說。若不墮情執，順四悉檀，則有因緣故亦可得說。今言起者，乃非起非不起而論起耳。何者？一心絕待，本無能信、所信之殊。而迷此一心，則起無量疑惑，如水成冰。翻此迷惑，遂起圓常正信，如水還成水。迷悟雖分，一性不動，故非起。性無增減，迷悟宛然，故非不起。是則起即不起，不起而起，約此論起，妙在其中。」(T44,p.423c13-25)